

# Dienelkander



## Nuusbrief van die Gereformeerde Kerk Potchefstroom-Oos

16 Oktober 2016

### OGGENDDIENS: Ds. Karel

**Skrifgedeelte:** Genesis 32

**Teks:** Genesis 32: 26-28

**Tema:** As God voor jou kom staan in jou geloofsworsteling

Ons gaan vanoggend vir 'n derde keer saam dink oor 'n geleentheid waar God voor iemand kom staan het: Jakob. Nie net hoor ons in hierdie gedeelte dat Jakob met God gestoei het nie, maar ons hoor ook hoe God sy naam verander en só vir hom 'n nuwe identiteit gee.

Deurdat God so met Jakob worstel en hom seën is Jakob nie meer 'n bedrieër nie, maar word hy deur die krag van die Here 'n oorwinnaar! Dit gebeur egter deurdat God sy fokus verander: Jakob fokus nie meer op sy eie veiligheid en rykdom nie, maar op Wie God is en wat God besig is om te doen. Kom ons gaan leer saam wat hierdie vir ons beteken.

### Lofprysing en aanbidding

Lied 188: 1, 3 en Lied 478: 3, 4

### Ontmoetingsdiens

Intreelied Ps. 84-1: 1, 2; Votum; Seën;

Loflied Ps. 30-2: 1, 3, 5; Belydenis

(Apostolies); Sing Sb. 12-6: 1, 4, 5

### Woorddiens

Gebed; Skriflesing; Sing Lied 514: 1, 2; Woordverkondiging

### Verootmoedigingsdiens

Romeine 7: 17-8: 1; Sing Sb. 14-3: 1, 2

### Antwoorddiens

Gebed; Liefdegawe; Gebed vir BNB; Danklied Ps. 67-2: 1, 2, 3; Seën; Amen Sb. 13-3.

### AANDDIENS: Ds. Piet

### Skrifgedeelte: 1 Samuel 30 : 1 – 19

(1933 - 53 Vertaling)

**Teks:** 1 Sameul 30 : 6

**Tema:** Wat moet ek doen in krisistye van my lewe? Leef soos altyd verder met die Here en Hy sal jou versterk.

Dawid was in 'n geweldige groot krisis! 'n Situasie waaraan hy eintlik self aandadig was en nou het hy en sy manne alles verloor! Hulle stad is afgebrand en hulle families is deur die Amalekiete ontvoer! Ook Dawid se eie vroue is ontvoer! Die manne wou Dawid stenig omdat hulle gemeen het dat dit alles sy skuld is. Dit word beskryf asof Dawid homself tussen twee skerp klippe bevind en hy kan nie beweeg sonder om seer te kry nie.

Dawid het egter 'n lewende verhouding met die Here gehad en hy gaan eenvoudig voort om die Here op te soek. En vanuit hierdie lewende verhouding met Dawid, versterk die Here hom. Hy gee hom innerlike krag en vrede, die Here gee wysheid en raad en die Here gee planne om die probleem op te los.

Wat jy ook al as krisis beleef: moenie ander blameer nie, moenie die situasie probeer regverdig nie, moenie nou self reg in eie hande neem nie, moenie vergeet dat die Here ons krisisse bestuur nie! Leef eenvoudig voort met die Here en Hy sal jou versterk!

### **Vooraf sang**

Lied 577: 1, 2, 3, 4, 5

### **Ontmoetingsdiens**

Intreelied Ps. 18-2: 1, 2; Seën; Lofsang  
Ps. 27-1; 1, 2; Gebed

### **Woorddiens**

Skriflesing; Sing Ps. 34-1: 1, 2, 4 (2 de mel);  
Woordverkondiging

### **Antwoorddiens**

Sing Ps. 40-2: 1, 2, 5 (mel ps 100);  
Liefdegawes; Gebed vir BnB; Sing  
Lied 588: 1; Seën; Amenlied Sb. 13-2.

### **MEELEWING**

- Nico Alberts (Groep 32 - 082 444 4893) was ontslaan maar is Vrydag weer in Medi-kliniek opgeneem.
- Fanus Kruger (Groep 24 - 082 745 8259) sterk tuis aan na sy operasie.
- Marinus Lazenby (Groep 34 - 074 377 0468) het 'n breukoperasie ondergaan en sterk tuis aan.
- Dirk Lubbe (Groep 19 - 082 771 9245) gaan eerskomende Dinsdag vir 'n groot rugoperasie in Pretoria.

**Ons bid dat die Here spoedig beterskap, herstel en troos sal gee.**

### **ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Srs Marianne Kruger, Bettie Ras, Janet vd Walt, Hester Buys, brs. Isak vd Walt en Tjaart Snyman, Andy en Blossom Pretorius.

### **ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: [siekies@oosdoppers.co.za](mailto:siekies@oosdoppers.co.za) of Hendrik vd Walt (079 022 2526)

### **AFKONDIGINGS**

#### **Vandag**

09:30 Oggenddiens  
Kleuterbediening  
Katkisasie Les 23  
Tee en Koffie  
16:00 Kooroefening  
18:00 Aanddiens

#### **Maandag**

18:00 Kommunikasie-diensgroep  
19:15 Katkisasie-diensgroep

#### **Dinsdag**

06:00 Manne ondersteuningsgroep  
18:00 Sustersbestuur

#### **Woensdag**

10:00 Amandelbloeisels  
16:30 Katkisasie gr 9  
17:15 Katkisasie gr 10  
17:15 Katkisasie Graad 11  
18:00 Katkisasie Graad 8  
19:00 Bybelstudie Klipdrif (Afsluiting)

#### **Vrydag**

17:00 Gemeente Skaapspitbraai kuieraand

#### **Saterdag**

16:00 Graad 8 - 10 Wegbreekkamp tot Sondagoggend

## **VERJAARSDAE**

Baie geluk aan almal wat DV hierdie week verjaar!

### **Sondag, 16 Oktober**

Jsr Veronique Geyer	056 811 5516
Sr Tilla Havenga	072 311 3263

### **Maandag, 17 Oktober**

Sr Anna Scholtz (91)	
Sr Estelle v Hamburg	082 779 1401

### **Dinsdag, 18 Oktober**

Br Hannes Coetsee	084 019 6363
Sr Susan Lourens	073 898 0181

### **Woensdag, 19 Oktober**

Br Frans Kruger	083 793 0522
-----------------	--------------

### **Donderdag, 20 Oktober**

Br Giel Vermeulen (75)	082 764 4826
------------------------	--------------

### **Vrydag, 21 Oktober**

Br Willem Pretorius	082 300 1522
---------------------	--------------

### **Saterdag, 22 Oktober**

Jsr Lienke Coetzee	
Sr Maxine Coetzee	060 965 3497

## **ANDER AFKONDIGINGS**

- Liefdegawe vanoggend vir Barmhartigheid
- Gawe by die deure vanoggend vir die Emeritusfonds.
- Gawe volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 29 en 30.

## **GEMEENTE SKAAPSPITBRAAI KUIERAAND**

Die braai vind Vrydag, 21 Oktober 2016 plaas. Mense kan al van 17:00 kom aansluit by ons. Ons skenk alle kos maar elkeen

moet sy eie stoel en eetgerei asook drinkgoed saam bring. Dit is belangrik dat lidmate wat dit spitbraai wil meemaak hulle name op die lys in die skuur gaan skryf of by die kerkkantoor opgee, sodat ons kan weet hoeveel skape om te reël.

## **AMANDELBLOEISELS**

Al die Amandelbloeisels word hartlik uitgenooi na 'n byeenkoms op 19 Oktober om 10:00 by Sr. Harriet vd Walt (Lupinestr 26), waar ons saam tee drink vir tannie Yda Vosser se verjaarsdag. Ons kom eers by die Skuur bymekaar vir opening.

## **DIAKONIE: KOSKAS**

Ons herinner u aan die koskas wat die diakonie het, waaruit kospakkies vir behoeftige gesinne gepak word. Die koskas is huidig weer baie leeg en sal ons enige skenkings baie waardeer! Behalwe vir nie-bederfbare kos, kan u ook gerus toiletware skenk waaraan ons 'n behoefte het.

## **FONDSINSAMELING VIR DIE SA BYBELGENOOTSKAP VIR DIE VERVAARDIGING EN VERSPREIDING VAN BYBELS WÊRELDWYD**

Ons herinner julle daaraan dat hierdie projek oor 2 weke op Sondag, 30 Oktober, met Hervormingsondag, afgesluit word. Dit is tradisioneel die dag waarop ons bydraes vir Bybelverspreiding afdra. Die pilhouertjies moet dan ingehandig word - maak seker joune is al vol R 5.00 munte!



## BID SAAM MET DIE BYBELGENOOTSKAP

**Haiti:** Bid dat die Here Bybelwerk sal seën en dat die harte van meer mense vir die Bybel ontvanklik sal wees. Bid dat dit vir die Bybelgenootskap moontlik sal wees om deur gesikte formate en vertalings in die Bybelbehoeftes van die mense te voorsien.

**Kuba:** Bid asseblief vir die *Een miljoen Bybels vir Kuba-projek* sodat die Bybel ons gids kan wees in hierdie tyd van verandering, geleentheid en uitdagings. Bid vir die impak van die Bybel op die lewens van Kubane. Bid ook vir die vertaling van die Bybel in Kubaanse Gebaretaal.

**Wes-Indiese Eilande:** Bid veral vir ons herstrukturering om hierdie Bybelgenootskap meer effektief te maak. Bid ook vir al ons projekte dat dit 'n positiewe impak sal hê op die mense wat ons in die Bahamas, Jamaika, Belize, Turks en Caicos- en die Kaaimanseilande dien.

## INSIGGEWENDE ARTIKEL OOR DIE VROU IN DIE AMP

Prof. Bennie van der Walt het 'n baie insiggewende artikel geskryf na aanleiding van die Sinode se besluit oor die Vrou in die Amp. Lidmate word aangemoedig om die artikel te lees en kan dit elektronies by die kerkkantoor aanvraa.

## HARTKLOP@AARDKLOP TERUGVOER

Die belydenisklas het die voorreg gehad om hierdie jaar betrokke te wees by die Hartklop@Aardklop-inisiatief. Dit is 'n geleentheid waar daar gratis koffie, tee en water tydens Aardklop uitgedeel word aan

enige iemand wat graag wil hê. Ons Here het gesê dat dit beter is om te gee as om te ontvang, en hierdie inisiatief leer ons dit. Een van die studente wat hierby betrokke was, het die volgende geskryf:

Doen ons dit omdat ons goed is?  
Of omdat ons moet?  
Nee, uit onsself kom niks wat voed,  
En daar is iemand anders wat ons offerbloed  
is.

As my Hart roer in my bors,  
Vir wie is dit goed?  
Wanneer ek bedien deur koue nagte aan die  
wat dors.  
Wie sien deur duister gloed?

Wie sal hulle onthou?  
Iemand wat vir hulle 'n klein wit beker  
geskenk het,  
Om met harde hande te omvou,  
Of Hy wat hulle bedenk het?

Niks in die lewe is verniet,  
Alles is duur behaal,  
Ons sou nie kon gee nie, tot ons verdriet,  
As iemand nie die prys reeds het betaal.

Doen ons dit omdat ons moet?  
Nee, Christus se liefde is so soet.

Dankie aan elke lidmaat se voorbidding en  
ook die skenkings wat ons ontvang het.  
Volgende jaar DV sal daar weer só 'n  
geleentheid wees en nooi ons enige iemand  
uit wat graag wil gee, om saam te gee!

## KANSA-PROJEK

### Lieve Gemeente

Ons is besig met ons KANSA-projek vir 2016 tot einde Oktober. Elke gesin sal in die tyd 'n koevert kry waarin julle bydraes kan lewer. Vra gerus ook vir jou kollegas by die werk, familie en vriende. Kom ons poog om met hierdie projek die hele gesin te betrek. Dit is 'n instelling by ons Oosdoppers om jaarliks 'n mooi bedrag in te samel vir KANSA en ons vertrou dat ons dit weer hierdie jaar sal doen.

Wanneer julle bydraes gereed is, plaas asb die koevertjie in die kollektessakkie of in die kluis. Vir enige verder navrae praat gerus met Odelia Venter wat aan stuur staan van hierdie projek (083 290 1572).

### WEGBREEKKAMP VIR GR 8 - 10 KATKISANTE: VOLGENDE SATERDAG, 22 OKT.

Die eindeksamens vir die hoëskoolkinders begin die laaste week van Oktober! Maar voor die groot "leer" begin gaan ons vinnig wegreek en lekker saam kuier op oom JD en tannie Paula Aucamp se plaas. Al die graad 8 - 10 katkisante gaan saam en julle is welkom om maats te bring. Ons vertrek 16:00 Saterdagmiddag, slaap oor op die plaas en keer Sondagoggend terug - net betyds vir die erediens en katkisasie - sommer so in julle kampklere! Al die reëlings sal persoonlik aan julle en julle ouers deurgegee word!



Ons sien baie uit na 'n lekker aand om die vuur, nagstap en sterrekyk, buitelug DVD fliek en sommer net lekker kuier! Die meisies slaap binnenshuis en die seuns in tente of sommer buite!

### BAIE DANKIE

Baie dankie aan die predikante en ander lidmate se meegevoel en ondersteuning met die afsterwe van Engela se ma. Baie dankie vir Ds. Piet se besoeke en die susters se ondersteuning deur etes. Ons waardeer dit opreg.

Fanus, Engela en Janus Kruger

Ek wil ook graag vir Ds. Piet en Ds. Karel, asook Marian de Kock en Engela van Rooyen bedank vir al die besoeke en bystand tydens my hospitalisasie. Dankie vir ander lidmate se sms'e en bystand, dit gaan reeds baie beter met my.

Fanus Kruger

## PROJEKTE

### MOOIRIVIER KERSMARK

25 Nov - 3 Des 2016

**Fokus saam met ons op ons mark, sodat ons dit suksesvol kan aanpak en voorbereid kan wees!**

**Slegs 5 Weke** oor voordat ons Kersmark afskop!

Lieve Gemeente, ons het werklik almal se hulp nodig.

### Hulplyste

Hulplyste is vanaf vandag in die voorportaal waarop julle jul name skryf om ons te help. Dit is 'n wonderlike geleentheid, nie net om

ons gawes in die gemeente aan te wend nie, maar ook om mekaar beter te leer ken. Onthou almal kan help!

## Borge

Ons wil graag van die geleentheid gebruik maak om ook lidmate wat as borge optree te bedank: Mooirivier Aptek, Dr Gerrit J v Rensburg, Walter Plotz.

Ons huidige buite-borge is: Landini SA, Mooirivier Beskerming en 'n anonieme borg. Lidmate is welkom om vir Janus en Stephanie Earle te kontak om as borg op te tree. (082 564 6251 / 083 690 3404)

## Bemarking

Hierdie 5 weke is bemarkingstyd. Ons benodig altyd hulp daarmee, bv. plakkate opsig, vensterplakkate en pamphlette per hand, asook elektronies te versprei, ens. Praat met Kiewiet Scheppel hieroor indien jy kan en wil help!

## BEROEPE NUUS

### BEROEPE ONTVANG

- Proponent FG Lee (Hardus) na Derdepoort.

### BEROEPE AANVAAR

- Proponent J Cronje (Jaco) na Aliwal-Noord.

## KENNISGEWINGBORD

- Frankfort Rivertoer – 30 Nov - 4 Des 2016
- Huizemark- en Kansa-tekenkompetisie

## SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](http://www.facebook.com/oosdoppers)

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by <http://karelsteyn.blogspot.co.za/>

## KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

## BAIE DANKIE AAN ONS BORG DIE WEEK!



**ONS SPESIALISEER IN DIE VOLGENDE:**

• Fyngebak	• Kruie
• Pasteie	• Speserye
• Koekies	• Bakbestanddele
• Beskuit	• S.A. Droëvrugte
• Terte	• Verpakkingsmateriaal

*"Ons bak met passie"*

Gouwsstraat 7 Potchefstroom  
Tel : (018) 294 4271

# Susters



## TEESKINKGELEENTHEID

Tee word **vandag** in die Skuur bedien onder die leiding van Marie Oosthuizen (Groep 41), Yolandi Haasbroek (Groep 42) en Annari Schutte (Groep 44).



**Volgende week** skink Corrie du Plessis (Groep 1), Maria Pretorius (Groep 2) en Susan Vorster (Groep 3) tee.

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoordele en daar word jaarliks aan verskillende verdienstelike instansies, hoofsaaklik in Potchefstroom, donasies gegee.



## SUSTERSAAMTREK 2017

Ons susters bied volgende jaar die Sustersaamtrek aan op 4 Maart 2017. Ons benodig elke suster se hulp om hiervan 'n sukses te maak.



Ons spreker vir die geleentheid is: Magdal Pienaar-Marais van Pretoria.

## GESAMENTLIKE SUSTERS AFLUITING

Die susters van Mooirivier nooi ons hartlik uit om saam met hulle die gesamentlike afsluiting te hou.


**Datum, tyd & plek:** 8 November 18:30 vir 19:00 te Geref. Kerk,  
Potchefstroom Kerksaal

**Spreker:** Prof. Hans du Plessis en sy Griekwa-Psalms

**Skryf asb jou naam op die lys in die voorportaal sodat ons @ 24 Oktober getalle kan bevestig.**

## KWARTAALPROGRAM

DATUM	DAG	TYD	WIE	WAT
18-Oct	Dinsdag	18:00	Bestuur	Susterbestuurvergadering
25-Oct	Dinsdag	18:00	Groepsusters	Groepsustersvergadering
01-Nov	Dinsdag	19:00	<b>Blok B</b>	<b>Potch Sustersafsluiting</b>
05-Nov	Saterdag	10:00	<b>Bestuur en groepsusters</b>	<b>Amandelbloei-sels afsluiting</b>
13-Nov	Sondag	12:00	Blok C	Nagmaal-ete
25Nov-3Des	Sat - Sat	07:00 tot 20:00	Almal	Mooirivier Kersmark
27-Nov	Sondag	18:00	Almal	Kerssangdiens




# OOSDOPPERTJIE-NUUS

## NUUS UIT DIE BYBELKOERANT

### EGIPTE IN ROU GEDOMPEL

MEMPHIS. - 'n Ramp van ongelooflike omvang het die hele land getref toe duisende mense en selfs diere laasnag op 'n onverklaarbare wyse gesterf het. Geen huis het die dood vrygespring nie, selfs nie eens die farao s'n nie. Kroonprins Rameses is ook dood.

Die sterftes moet met mekaar verband hou, want sover vasgestel kan word, het al die sterftes om middernag plaasgevind. Wat dit nog vreemder maak, is dat slegs die eersgeborenes dood is, van die kroonprins af tot by die eersgeborenes van die krygsgevangenes in die tronk. Selfs die slavinne se eersgeborenes het omgekom.



In 'n nag van ongekende smart het weeklagte en gekerm uit letterlik elke huis in Egipte sedert middernag opgeklink. Van vroegoggend af is die strate vol mense wat rondskarrel om alles gereël te kry om hulle geliefdes te begrawe.

Ons korrespondent in Gosen berig egter dat daar in die provinsie nie 'n enkele sterfgeval is nie. Hy sê die Israeliete moes vooraf gewaarsku gewees het, want al die families het gisteraand lammers geslag en van die bloed aan hulle huise se deure geverf, glo "om die dood uit die huis te hou".

Ons het ook verneem dat die farao laasnag dringend vir Moses en Aaron, die leiers van die Israelitiese arbeidsopstand, ontbied het. Dit versterk die vermoede dat die doodsramp moontlik verband hou met hulle eis om 'n godsdiestige fees in die woestyn te gaan hou.

Daar begin nou ook van verskillende oorde af stemme opgaan teen die farao se halstarrige weiering om aan die Israeliete se eis toe te gee. "Die prys raak nou net eenvoudig te hoog. Ons kan nie so aangaan nie," het 'n gesiene inwoner vanoggend in tranen gesê toe hy sy oudste seun begrawe het.

Lees hiervan in Eksodus 12.



Berig deur ons spesiale rampverslaggewer